

دوسعادتده بکی پوسته خانه قارشوسنده
داثره مخصوصه در

محل اداره:

مشرط افق

۱۳۲۶

انظار:

سلاکمزده موانق آثار جدیده مع المنزیه قبول اولنور
درج ایدیلیم آثار اعاده اولتاق

دین، فلسفه، ادبیات، حقوق و علوم دن باحث هفته لق رساله در

دوسعادتده نسخه سی ۵۰ پاره در

تیریلده دن مقوا بورو ایله کوندریلیرسه سنوی
۲۰ غروش فضله آلتیر.

دوسعادتده پوسته ایله کوندریلیرسه ولایات بدلی اخذ اولنور.

مؤسسدری: ابرالاعلا زین العابدین - ح. اشرف ادیب

سنه لکی التي ایلفی

۳۵ ۶۵

۵۰ ۹۰

۵۵ ۱۰۰ غروشدره

دوسعادتده

ولایاتده

ممالک اجنبیهده

تاریخ تأسیسی:

۱۱ نموز ۳۲۴

برنجی سنه

۳۲۶ شوال ۱۲ پنجشنبه ۳۰ تشرین اول ۳۲۴

عدد: ۱۲

بر صورتی که « و امرهم شوری بینهم » بر توی انلرك حال و قاللرنده
لمعان ایتسون .

مشورتدر ناظم احوال ملك و سلطنت

مشورتدر امته مصباح مجد و مسعدت

مشورتسر نافذ اولماز قلبه انوار هدی

مشورتسر حاصل اولماز هیچ آثار علا

مشورت هر امر و کاری مشکلی آسان ایدر

حضرت حق لطف ایدوب توفیقنی احسان ایدر

مشورتدر امر قطعی خداوند حکیم

مشورتدر مسلك اصحاب عقل مستقیم

برکت زاده اسماعیل صفی

خطبه لره دأر

خطبه لره مقصده سيرة نبویه

فخر کائنات علیه اکمل التحیات افندمن حضرتلری منبره صعود ،
یاخود منبر اعمال ایدله دن اول خطبه اوقویه جنی محلی تشریف بیورنجه
حضاره توجه ایدره رك آزارحق اوتوررلردی .

ابن عمر رضی الله عنه دن : « حضرت پیغمبرك منبر اوزرینه
اوتورمه دن اول اصحاب کرام حضرتانه سلام ویرمکه بولندقلری »
مرویدر . شافعی ، احمد بن حنبل حضراتی اشبو حدیث شریفه استناداً
اوسلامك سنت اولدیفنه قائل اولمشلردر . ابوحنیفه ، امام مالک حضراتی
مذهبنده او حدیث فعلی ثابت اولمادیغندن اوسلامی ترك سنت اولمشلردر .
اول علیه السلامك منبره ارتقا بیورنجه اوتورمادن ، قبلهیه متوجه
اوله رق دعا ایتدیکی احادیث صحیحه ثابت دکلدر .

شمعی زماغزده بعض خطیبلرك اوتورمادن اول ، منبر اوزرنده
بروضعت مخصوصه آله رق دعا ایتله لری صاعلام بر اثره مستند اولمادیغندن
باب عبادتده بر بدعت اولماسی احقمانندن خوف ایدیلور . . بناء علیه
بو حالك ترك ایدلسی ده موافق سنت اولدیفنی خاطره کلور .

رسول اکرم افندمن حضرتلری ، خطبهیه حقیقه دینی ائشاده ،
سائر وقلرده کیمدیکی و اصحاب کرامك دخی اکتسا اعتیادنده بولندیفنی
البسه یی کیزدی . جمعه و خطبهیه مخصوص اوله رق باشینه طلیسان
باغلامق . اوزون وکنیش جبه ویشلر اکتسا ایلك عادات پیغمبریدن
دکلدی . خلاصه : خطبهیه ، جمعهیه مخصوص برنوع البسه و عمامه
صاقلامزدی . سائر کونلرده نه اکتسا بیوررلرسه ، جمعه و خطبهیه
دخی اویله بر البسه ایله چیقارلردی . شو قدر وارکه جمعهیه جیقدقلری
ائشاده البسه معتاده سنك جدیدینی ، اولماز ایسه ده زیاده نظیف ،
بیقاعش اولانی اکتسا بیوررلردی . اشته بونك ایچون جمعه نماز نه
کیدرکن یکی ، یاخود تمیز ، بیقاعش البسه کیمك سنت اولمشلردر .

فخر کائنات افندمن ائشای خطبهیه بعض قوسه ، بعض عصایه
اعتماد بیوررلردی .

ابن عباس حضرتلرنندن : « ولم یکن رسول الله صلى الله عليه وسلم
یتخری شیئاً من ذلك ولكن یتوکأ فی الحرب علی السیف وفی الحضر

علی العصا » قول شریفی مرویدر . حضرت پیغمبر ، ائشای خطبهیه
ائکلاً بیورمه لری ایچون برشی تخصیص بیورمشلردی . حال سفرده
اکثریت اوزره الارنده قلنج بولندیغندن . خطبهیه دخی قلنجی ، حال
حضرده ایسه عصا ، یاخود قوسی قوللانورلردی .

علماء حدیث وارباب سیردن بعضلری ، مدقق و محققلری نتیجه تدقیق
و تحقیققلرنده حضرت پیغمبرك ائشای خطبهیه عصا ، قوس قوللانماسی
منبر اتخاذه دن اول اولوب ، بوندن صوکره ایسه قوس ، عصا ، باشقه
هیچ برشی قوللانمادیغنی مؤکداً بیان ایدیلورلر .

حتی ابن القیسیم « زادالمعاد » نام اثرنده : « رسول اکرم ، منبر
اتخاذه دن اول عصا یاخود قوسه ائکلا بیوررلر ، الارینه قلنج ، باشقه بر
آلت حرب طوقازلردی . ائشای حربده قوسه اعتقاد ایدر ، جمعهده
النه عصا آلوردی . اول حضرتك خطبهیهده سیفه ائکلا بیوردقلری
مروی دکلدر . بعض جهله گروهی نی علیه السلامك دائماً سیفه ائکلا
ایتدیکنی ، بوده دین مبین اسلامك سیف سایه سنده قیامنه اشاره
بولندیغنی دعوی ایتله لری فرط جهالتلرندن باشقه برشی دکلدر . زیرا
منبر اتخاذه دن صوکره پیغمبرك قلنج ، قوس ، باشقه برشیته ائکلا بیورر .
مدیفنی ثابت اولدیفنی کی ، منبر اتخاذه دن اول دخی هیچ بروقت قلنجی
آله آله رق خطبهیه چیتمادیغنی معلومدر . دیور .

امام محمدالدین محمد بن یعقوب « سفرالسعاده » نام اثر عالیه سنده :
« حضرت پیغمبر ، منبر اتخاذه دن اول ، خطبهیهده قوس یاخود عصایه ائکلا
بیوررلردی . منبر اتخاذه دن صوکره ایسه هیچ برشیته طایاناز اولدی . قلنج ،
حربه یی ، نه اول ، نه ده صوکره هیچ بروقت الیرینه آلاماشلردر . دیور .

نبی محترم افندمن جمعه کونلری وقت ظهر داخل اولوب ، مقیم
اولان اصحابك تماماً اجتماع و حضورلرینی تخمین ایدنجه ، منبره صعود
ایدره رك اوطوررلردی . بونك اوزرینه مؤذنان پیغمبریدن حضرت
بالال دخی مسجد نبوی قوسنك اوکنده طوره رق اذان شریفی اوقوردی .
عصر سعادتده ، شیخین حضرتانك خلاقلری دورنده جمعه اذان یالکن
بر دفعه اوقنور ، تکرر ایتزدی . اوچنجی خلیفه حضرت عثمان زماننده اهالی
تکثرا ایتدیکنندن براذان کفایت ایتماز اولدی . بوندن طولای حضرت خلیفه نك
امری ایله وقت جمعه نك حلوانی عموم اصحابه اعلان اولمق اوزره ده ایکنجی
بر اذان اوقنور اولدی . بو حال ، شمدیکی زماغزه قدر ثابت قالمشدر .

فخر کائنات افندمن منبر اوزرینه چیقارق اوطوردیفنی ، یاخود
جمعهده قائماً خطبه اوقومغه باشلادیغنی وقت ، اصحاب کزین حضراتی ده
یوزلرینی اول حضرتنه طوغرو توجیه بیوررلردی .

بو خصوصده ، پك چوق آثار شریفه وارد اولدیفنی کی علمای امت ده
عادتاً بونك اوزرینه اجاع ایتمشلردر . ذاتاً حضارك خطبهیه طوغرو توجه
ایتله لری پك معقول ایدی . زیرا خطیب ، آنلره وعظ و نصیحت ایدیلور ،
وقواعد اسلامیه یی تعلیم ، معانی مهمه یی تبلیغ ایدیلور ، درس و یریلردی . . .

نبی محترم صلی الله علیه وسلم افندمن حضرتلری خطبه اوقودیفنی

اثناده صوتی یوکستور ، حتی بوندن طولای مبارک کوزلرنده اجرار پیدا اولور ، غیرت و نشاطی ، جدیتی اطرافه صاحیلوردی . اصحاب کزین حضرتانک کوزلری یاشارر ، قلبلرنده رقت پیدا اولور ، چوق و قتلر آغلارلردی . خطبه نبویه دیکلدجه کوزلری ایمان نوریه طولار ، دین مین اسلامه اولان محبتلری کسب قوت ایدرلدی . اوصاف انبیهی ایشندجه ، قلبلرنده معرفه الله حاصل اولور ، ایمانلری قوت بولدقجه قوت بولوردی .

فخر کائنات افندمن خطبه لرنده ، جناب الله ، ملک لرنده ، کتابلرنده ، پیغمبرلرنده ، یوم قیامت ایمانک اصولی تقریر ایدرلر ؛ جنت و ناری ذکر ایله اهل طاعت و اولیاء اللهک مقاملری توصیف ، اهل معصیت و اعداء اللهک حاللری تقبیح بیورلردی . اصول مهمه دینی تبلیغ ، حادثات واقعه نیک احکام شرعیه سی تعلیم ایدرلردی . برجهاد وقوعی ملحوظ اولدیغی وقتده خطبه لرنده دشمنه قارشو اتخاذ ایدیلرجه مسلیکی بیان ایتکلر برابری عرض و شانک ، وطنک مدافعه سنه ، اعلائی کلمه الله اوغورنده فدای جانہ دعوت ، دلاران اصحابی جهاده ترغیب و تحریص بیورلردی .

بایرام خطبه لرنده صدقه فطر واضحه نیک احکام شرعیه سی بیان ایلر ، هرکس اقتداری نسبتنده فقرایه معاونت و انعامده بولمق ، آنلرک حالنه داغما آجیق خصوصنده وعظ و نصیحت ایدرلردی . نکاح ، استسقا ، کسوف ، حج و سائر خطبه لرنده هر برنده مقامه مناسب نصیحت ایلر ، تعلیمات لازمی اعطا بیورلردی .

صاحب شریعت صلی الله علیه وسلم افندمن حضرتلری اثنای خطبه ده اصحاب کرامک منبره تقریرلری ، خطبه یی استماع ، انصاف ایتدیلری امر ایلرلردی . بیورلردی ، که : « برکیمسه اثنای خطبه ده آرقداشنه « انصت » دیرسه اغو ایتمش اولور ، اغو ایدن کیسه نیک ایه جمعه سی مقبول اولماز . » و « جمعه کونی خطبه اشناسنده تکلم ایدن کسه ، کتابلر جل ایدن حاره بکزر . . . »

حتی که خطبه او قنورکن اصحاب کرام حضرتانندن برینک آرقداشنه کچوک بر سوال ، دینی بر سوال ایراد ایتدیه سنه بیلر جواز کوسترلیوردی . بوبابده پک چوق احادیث و آثار شریفه مرویدر ، که قدر مشترکلری درجه استفاضه واصل اولمشدر .

ابوحنیفه ، امام مالک ، احمد بن حنبل ، اوزاعی ، امامین ، دها پک چوق اکابر علما اثنای خطبه ده تکلمک ، ولو ذکر و عبادتله اولسون اشتغالک حرمتنه ، استماع و انصاتک وجوبنه قائل اولمشدر .

بوبابده کتب معتبره فقهیه دن هدایه ده : « اذا خرج الامام یوم الجمعة ترک الناس الصلاة والكلام حتی یفرغ من خطبته » عباره سی کورولور . بناء علیه اثنای خطبه ده ، حضرت پیغمبر و اصحاب کزین حضرتانک اسماء شریفه لری ذکر ، خلیفه نیک نامی یاد ایدلرکده مؤذنلرک تصلیه ، ترضیه ، تأمین ایله کورلتی قوپارمه لری ، هیچ بر اصله مستند اولمادیغی کبی خلاف سنت بولندیغندن بریدعتدر ، بالاتفاق تحریماً مکروهدر .

رسول اکرم صلی الله علیه وسلم افندمنک خطبه لری ، مطلقاً — استر جمعه ، استر سائر مواضعده — جناب تعالی حضرتلرنه لایق اولدیغی وجهله جد و ثنائی ، رسول کبریاه صلوة دعای ، تشهدی ، وعظ و نصیحتی ، قرآن کریمدن برقچ آیتک قرائتی و بعض تعلیمات مهمه یی احتوا ایلردی .

اول حضرت داغما ایکی خطبه او قورر ، هر ایکسی جد و ثنا ایله باشلار ، آرالرنده آزیچق او طور لرلردی . لکن حضرت بالاک بوجلسه یی « آمین . . . » ایله استقبالی هیچ بر اثرده معلوم دکلددر . بناء علیه مؤذنلرک او جلسه اشناسنده کورلتی قوپارمه لری ، ای برشی دکلددر . . . فخر کائنات افندمن خطبه لرنده چوق و قتلر بیورلردی ، که :

« بنم بعثتم ایله قیامت شوایکی یارمق کیدر » (دیه رک شهادت واورته یارمقلری کویستدر ، قیامت ایله بعثت نبویه لرینک همان قومشوه کندوسنک دخی خاتم الانبیاء اولدیغنی ایما ایدرلردی) بوندن صوکره « اما بعد » ایله باشلایه رق : « سوزلرک اک ایسی سیره محمدیه در . امورک الک فواجر کنی محدث بدعت اولانی در . هر بدعت ضالالتدر . » بیورلردی . خبرلرده وارد اولمشدر ، که بعض خطبه لرنده :

« الله جد اولسون ! الله جد ایدر ، آندن اعانت استرم ، جناب الله فنا عمللرمزدن استغفار ایلر ، نفسلرمزک شرورندن استعاذه ایدرم . جناب الله برکیمسه یی هدایت ایدرسه ، هیچ برکیمسه آنی اضلال ایده من . الله برکیمسه یی اضلال ایدرسه ، هیچ برکیمسه آنی هدایت ایده من . . . » و اشهد ان لا اله الا الله وحده لا شریک له و اشهد ان محمداً عبده ورسوله ارسله بالحق بشیرا و نذیرا بین یدی الساعه » برکیمسه جناب الله ورسولنه اطاعت ایدرسه نجات و فلاح اولور ، آنلره عاصی اولورسه ضرری کندی نفسنه عاقددر . جناب الله ذره قدر ضرر ایراث ایده من . » بیورلردی

حضرت پیغمبر ، اثنای خطبه ده موعظه یی پک تطویل بیورمن . لردی . دیرلردی که : « برکیمسه نیک نمازی آغیر و اوزون قیلسی ، خطبه یی قیسه او قومسی فقهنه علامتدر : اشته شونک ایچون نمازی آغیر و اوزون قیلکز و خطبه یی قیسه او قویکز . »

اول حضرت خطبه لرنده پک چوق و قتلر قرآن کریم آیتلری تلاوت بیوردرق تذکیر ایدرلر ؛ بالخاصه « ق » سورته جلیله سی ده ازیاده چوق او قورلردی . حتی صحابیادن ام هشام بنت الحارث « ق » سورته جلیله سی خطبه ده فم سعادتدن ایشیدکن صوکره از برلیدیکنی سویلیوردی . اشته خطبه لر عصر سعادتده بوحال اوزره بولنیوردی . خلفاء راشدین دورنده دخی حال اصلیلری تماماً محافظه ایتدیلر .

لکن صوکره لری عهد رسالت اوزاقلاشمغله شریعت و اوامر شرعیه ؛ عادت ، رسوم کبی اجرا اولمغه باشلادی ؛ حقیقت آراغاز ؛ مقاصد شرعیه دوشونماز اولدی . بلکه بو طرفله عقلی ، فکری اوزاتق بیلر عیب صایلور ، کنهه عد ایدیلور اولدی . خطبه لرنده اولان مقاصد مشروعه ده اونودلدی . کیفیت مسنونه سی ده غائب ایدلدی . خطبه لر مسجع ، مقفی جل رکیکه دن عبارت اولوب قالدی . . .

ملیم ثابت